

# **Дуонинг ижобат ва ҳожатнинг раво бўлиши**



22:02 / 01.12.2016 5560

## **Аллоҳ таоло дуоларни ижобат ва ҳожатларни раво қилади.**

Шарҳ: Жумҳури мусулмонлар ва бошқа динлар аҳллари ҳам дуо манфаатни жалб ва зарарни даф қилиш учун энг қучли сабаблардан эканига ишонишади. Аллоҳ таолонинг мусулмон бўлсин, кофир бўлсин, бандасининг дуосини ижобат қилиб, унга сўраганини бериши, ризқ ва ёрдам бериши жумласидандир. Имом Ибн Можа «Сунан» китобида Абу Ҳурайра розияллоҳу анҳудан ривоят қилган ҳадисда Расулуллоҳ соллаллоҳу алайҳи васаллам: «Ким Аллоҳдан сўрамаса, Ул зот ундан ғазабланади»-деганлар.

Аллоҳ таоло Ўзининг олти сифатига далолат қилгани сабабидан дуо қилишга амр қилгандир:

1-Вужуд (борлиги). Чунки, йўқقا дуо қилинмайди. Ундан бирор нарса сўралмайди.

2-Фанийлиги (бойлиги). Чунки фақирга дуо қилинмайди. Ундан бирор нарса сўралмайди.

3-Эшитувчилиги. Чунки, карга дуо қилинмайди. Ундан бирор нарса сўралмайди.

4-Карам (саҳийлик). Чунки, баҳилга дуо қилинмайди. Ундан бирор нарса сўралмайди.

5-Раҳмат. Чунки, раҳмсизга дуо қилинмайди. Ундан бирор нарса сўралмайди.

6-Қудрат. Чунки, ожизга дуо қилинмайди. Ундан бирор нарса сўралмайди.

Дуони инкор қилувчи, ушбу олти сифатни инкор қилувчидир.  
Ундан ғофил бўлган, олти сифатдан ғофилдир.

### **Фойда**

Билинки, сабабларга суюниб, дуо қилмаслик, тавҳиддаги ширқдир. Сабабларни бутунлай тан олмаслик ақлдаги нуқсондир. Сабабларни ишлатишдан юз ўгириш эса, ишларни сабабларга боғлаб қўйган шариатга айб тақашдир.

Таваккул ва умидворлик тавҳид, ақл ва шариат вожиб қилган нарсалардан иборатдир. Сабабларга таваккул қилиб (суюниб) қолмайди ҳам, уларни беҳудага чиқармайди ҳам. Балки, Аллоҳга таваккул қилган (суюнган) ҳолда, сабаблар Аллоҳнинг иродаси ва изни ила натижали бўлади, деб ҳаракат қиласди.

Аллоҳ таоло дуоларни ижобат қилишига далил:

1-»Ва Роббингиз: «Менга дуо қилинглар, сизга ижобат қилурман»-деди». (Ғофур сураси, 60)

2-»Қачонки, бандаларим сендан мен ҳақимда сўрасалар, бас, албатта, мен яқиндирман. Дуо қилувчи дуо қилганда дуосини ижобат қилурман». (Бақара сураси, 186)

3-»Албатта ибодатимдан такаббурлик қиладиганлар, тезда жаҳаннамга бўйин эгган ҳолларида киуруллар». (Ғофур сураси, 60)

4-Иbn Можа Абу Ҳурайра розияллоҳу анхудан ривоят қилган ҳадис.

### **МАЪЛУМ САВОЛНИНГ ЖАВОБИ ВА ДУО ҚИЛУВЧИ БИЛАН СЎРОВЧИ ОРАСИДАГИ ФАРҚ**

Баъзилар, одамлар Аллоҳдан сўрайдилар, аммо Аллоҳ ҳеч нарса бермаслиги ёки сўрамаган нарсасини бериши ҳам мумкинми? - деб сўрайдилар.

Бу саволга учта жавоб бор:

**Биринчиси:** Дуонини ижобат қилиш ҳақидаги оят сўровчига бир нарса беришни ўз ичига олмаган. У оят дуо қилувчига ижобат қилинишини ўз ичига олгандир. Дуо қилувчи эса сўровчидан умумийроқ маънодаги шахсдир. Шунинг учун ҳам, дуони ижобат қилиниш сўровни беришдан кўра умумийроқдир. Ушбу фарқ туфайли Пайғамбар соллаллоҳу алайҳи васаллам: «Ҳар кеча Роббимиз дунё осмонига тушади ва: «Ким Менга дуо қиласди, Мен унга ижобат қилсан, ким Мендан сўрайди, Мен унга ато қилсан, ким Менга истиғфор айтади, Мен уни мағфират қилсан», дейди»-

деганлар. («Ирвоул ўалийл» 449 бет).

Ушбу ҳадисда Пайғамбар соллаллоху алайҳи васаллам дуо қилувчи билан сўровчининг, ижобат билан атонинг орасини фарқламоқдалар.

**Иккинчидан:** «Дуони ижобат қилиш сўралган нарсани беришдан кўра кенг ва умумийдир. Буни Муслим ўз «Саҳиҳи»да ривоят қилган ҳадисда Пайғамбар соллаллоху алайҳи васаллам тафсир қилганлар: «Қайси бир одам гуноҳ аралаштиրмасдан, қариндошлиқ алоқасини узмасдан туриб дуо қилса, албатта Аллоҳ таоло унга бунинг сабабидан уч хислатдан бирини беради:

Ё сўраганини тезда беради. Ё ўшанинг мислича яхшиликни унинг учун сақлаб қўяди. Ў ўшанинг мислича ёмонликни ундан буриб қўяди»-деганлар. Шунда одамлар: «Эй Аллоҳнинг Расули, ундоқ бўлса (дуони) кўпайтирамиз»-дедилар. У зот соллаллоху алайҳи васаллам: «Аллоҳ кўпайтирувчироқдир»-дедилар. (Аҳмад, Ҳоким ривоят қилганлар. Заҳабий саҳих, деган).

**Учинчидан:** Албатта дуо талаб қилинган нарсага эришишни тақозо қилувчи сабабдир. Сабабнинг эса, шартлари ва ман қилувчилари бор. Қачон шартлар ҳосил бўлиб, ман қилувчилар йўқ бўлса, талаб қилинган нарсага эришилади. Агар ундоқ бўлмаса эришилмайди. Балки, гоҳида бошқаси, дуо қилувчи учун хайрлироғи ҳосил бўлиши мумкин.

**У зот ҳар бир нарсага моликдир. У зотга ҳеч нарса молик бўлмас. Аллоҳ таолодан кўз очиб-юмгунча беҳожат бўлса ҳам, кофир бўлади ва ҳалокат аҳлидан бўлади.**

Шарҳ: Яъни, ҳар бир нарса Аллоҳнинг мулкидир. Аллоҳ эса ҳеч кимга мулк бўлмас. Балки, Аллоҳ ҳар бир нарсанинг молики ва малики-подшоҳидир. У зотдан унинг маҳлуқотлари кўз очиб-юмгунча фурсат ҳам истиғно қила олмайдилар-ҳожати тушмай тура олмайдилар. Ким, Аллоҳдан кўз очиб-юмгунча вақт беҳожат бўла олишини даъво қилса, кофир бўлади. Аҳли ҳалокатдан бўлади.

Далил:

1-»Осмонлару ернинг мулки У зотни кидир». (Аъроф сураси, 158)

2-»Ҳар бир нарсанинг мулки қўлида бўлган Зот пок бўлди. Ва Унгагина қайтариурсиз». (Ёсин сураси, 83)

3-»Сен: «Ким сиз учун Аллоҳдан, агар У сизга зарарни ирода қилса ёки нафни ирода қилса, бирор нарсага молик бўла олар эди?»-деб айтгин». (Фатҳ сураси, 11)

4-»Сен: «Эй бор худоё, мулкнинг моликисан, мулкни кимга хоҳласанг ўшанг берасан»-деб айтгин». (Ол-и Имрон сураси, 26)

5-»Сен: «У-Аллоҳ ягонадир. Аллоҳ-сомад-(ҳеч кимга ҳожати йўқ-ҳамма унга

ҳожатманд зот)дир». (Ихлос сураси, 1-2)

6-»Аллоҳ беҳожатдир, сизлар ҳожатмандсиз». (Мұхаммад сураси, 38)